

未41

369-2

喉  
科  
秘  
鑰

光緒十六年重刊於滬上

喉科秘鑰

內附

魚骨哽喉靈符

難產腦漏神勞

樂善印送者板存上

海新北門內穿心街

秘傳驗方

文藝齋刻書鋪

原敘

廷勇讀儒書未竟長而習軒岐  
之學涉獵廿餘年每臨症兢々  
恐誤以是幸免大焉嘗謂病自  
金鑑列十三科唯喉科為竅要  
蓋喉為心肺肝腎呼吸之門飲

食言語出納之道苟患痺結身  
命立傾歷覽正宗祕錄錦囊冰  
鑑該書每多備此遺波不能纓  
析條明中心缺然道光康子見  
吾鄉西園鄭先生杏業是科回  
生歎死咸目為仙廷留心訪詢



蓋有祕本於是展轉購得凡三  
晝夜抄成遇有此志按方施治  
無不效者或陰陽異宜亦憑脈  
增減應手而愈同治二年春廷  
于役下蔡是書載於簾中途次  
遇賊倉皇奔避行李書籍捐棄

一室三年春監修泗州試院見  
舟人携竹簾相售識為故物遂  
購之餘物皆失是書獨存嘻異  
矣是季秋偶晤句容楊君春華  
渠方以重價購紫琳集喉科付  
梓內載七十二症方法廷讀之

惜其不詳出是書示之楊君大  
喜必獲拱璧乃并刊之附延十  
年證治之驗於後剝削既成惜  
校對稍疏不免魚豕之誤廷年  
才缺掌塵俗未遑精繹今春稍  
暇細將原板字畫改正重付梓

人并彰楊君首善之心及鄭先  
生救世之術且望海內君子留  
心習此俾斯民咸登仁壽而不  
致有夭折之歎則是書之失而  
復得所係乞淺鮮哉同治戊辰  
嘉平月古欽許佐廷自敘

乙酉之秋

錫鑿

將別鄉井重作川游已束裝矣適謝

楓橋世丈攜其甲申重刊喉科秘鑰數卷來贈閱之  
以爲可備醫術之一條受而藏之行篋中猶未以爲  
寶也仲冬行抵成都寓居江西客館未幾會垣喉症  
驟起交春傳染益多勢凶且速旦夕傷人羣醫束手  
鄉親董姓一家旬日中兄弟子姪連斃四命罹禍倍  
酷鑿因憶及秘鑰出一卷以示人僉謂川省刻有紫  
珍集及白喉經驗良方行世而是書實未曾見觀其  
按症用藥縷析條分簡明且備自是善本蓋卽重梓

以廣其傳而同鄉謝君丹墀踴躍助資慫恿尤力遂  
付劖劂氏卽日開雕因念此書其來也謝致之其刻  
也謝劖之然則二君者殆與蜀人士有緣將躋之於  
壽域歟不有善人如生民何不有良方如險症何事  
機輻輳非偶然也鐫版將竣緣略述其重刻之由如  
此云

光緒十二年歲次丙戌春三月山陰周錫瑩敘

右手五穴部位



左手五穴部位



少商穴手太陰肺經在手大指內側去爪甲角壹分宜以三稜

針刺之留一呼出針。

商陽穴手陽明大腸經在手食指內側去爪甲角壹分針壹分

留壹呼出針。

中冲穴手厥陰心包絡經在手中指端去爪甲壹分陷中。針壹

分留三呼出針。

關冲穴手少陽三焦經在手無名指外側去爪甲角壹分針壹

分留三呼出針。

少冲穴手太陽小腸經在手小指內側去爪甲角壹分針淺壹

分出針。



喉科秘鑰總目

上卷

喉症要說

喉症歌訣

喉症方藥

下卷

喉症圖說

喉症補編

附錄

難產神效方

雲母粉一兩紹酒一鍾調服卽下

雲母粉恐藥店未必有須向顏料店中購之

腦漏神效方

石首魚腦

煨透研末

絲綿

燒存性研末

用絲綿包裹塞鼻中卽愈

魚骨哽喉靈符

八  
雲  
膏

畫水上飲之立愈

喉科秘鑰 上卷

西園鄭氏原輯

古欵

許佐廷樂泉增訂

喉症要說

喉有二孔。左爲咽。屬胃。納食之關。右爲喉。屬肺。納氣之關。口內上腭屬胃陰。下腭屬脾陽。舌之中屬心。四圍屬脾。舌根亦屬心。小舌又名帝丁。屬胃。喉之左右舌根屬肝。外兩耳垂下亦屬肝。牙根上屬胃。下屬脾。內經云。一陰一陽結謂之痺。一陰者。手少

陰君火心主之脈氣也。一陽者手少陽相火三焦之脈氣也。二脈共絡於喉。氣熱則內結。結甚則腫脹。脹甚則氣痺。痺者不仁之謂。乳蛾喉閉纏喉風等症皆名。曰痺有風寒火濕毒虛之別。如腫而多痰風也。淡白而牙緊風寒也。色紫不腫而爛者風伏寒也。紅腫而脈浮者風火也。爛而不腫脈沈實者毒也。脈細數而浮者虛火也。細緩者虛寒也。或風火相搏。或寒暑相雜。其症不一。變幻多端。依此類推可也。而診脈右寸洪弦者肺風也。兩關浮數

者胃火肝風也。左寸浮洪者心火也。右寸沈遲者肺伏寒也。沈數者肺伏熱也。右尺洪大三焦火旺也。浮洪而無力者腎虛火也。可總用六物湯加減。遇凶險之症。細診六脈。復察形窮源。對症用藥。自然可愈。經云神聖功巧。不過望聞開切。若天柱倒陷。面黑色焦。鼻如烟煤。張煽不定。目睛突出。汗發如雨。咽喉乾痛。聲啞。手足膝蓋發麻。發喘及呃。脈息如絲。皆死症也。

凡舌胎白主寒。黃主熱。焦熱甚黑。熱極然亦不單論。

八色。如有津者，雖黃非真熱也。不可投涼藥。宜引火歸原。大舌邊起瘡，破痛乃脾火。可用清涼之藥。喉癰地位屬肝。若連內寸許，或爛或腫，則屬脾胃火毒之症。結毒亦有之。但二關脈沈者，方是。若二關脈浮者，非結毒也。

大抵風熱者，十之七。火症，十之三。寒症，十無一二也。醫者當審其病由。忝之時，令湧吐其痰，去痰之法。先備溫水，使病人漱口。然後或點刺，或吹藥，令其垂頭流出痰涎。俟痰涎少止，仍以溫水，頻頻漱之。

如虛弱人及病勢重者。須要著人扶好。或用銀針刺其患處。風熱散之。火症清之。火甚者下之。陰寒者溫之。若初起驟用寒涼之藥。則上熱未除。中寒復生。其毒乘虛而入。卽喘不休。死不救矣。

危症最不易治。亦不易識。如頸似蛇纏者。纏喉風也。內外無形。惟關內上面有紅絲。毒未入心。六脈浮滑。尚可用藥。如脈沉伏。則不治矣。凡遇此症。在一日半日內早治。可保無虞。至陰虛喉癰形如癆蝦。皮有青白點子。大小高低。似暑天痞子者。此症綿

纏最久。或病一年。或病半載。或一月半月而死。如得病在半月前。治之。十症可得九愈。

凡昏沉。痰多氣急。飲食不進。發熱不退。牙關緊閉。脈息微弱者。病必重。若人事不省。痰氣上攻。角弓反張。聲如拽鋸。眼珠上泛。口如魚口。汗出如油。脈沈細短者。死症不治。

纏喉風。及陰虛喉癰二症。最險而難治。要針舌下兩邊青筋。血紅生。血黑死。宜服清膈消痰解毒藥。

凡看喉腫處色變紅者。卽成膿之候。可不刺而自潰。



漱口用米泔水或甘桔湯或薄荷湯俱以溫和爲主。再將山查焙燥磨細末煎藥內加一撮。此消腫去毒治咽喉之要藥也。

看症先視脈象。後看患處。若脈絕脈怪脈死則無須藥矣。因毒已入裏非藥力所能挽回也。

夜晚看症最要細心。先用六味湯。天明再加減。最爲妥當。

喉內火盛。夜間切不可用燈照看。恐呼吸出入被火內侵。如急症不能不看。宜於病人腦後先點巨蠟。再從迎面用燈照看。則光聚而患處易見矣。

臨症用藥。生死反掌。醫者不可懷希冀之心。故意延  
挨。病者不可起懈怠之念。以致自誤。古云。走馬看  
咽喉。不待少頃者。卽此謂也。

凡病人壯者。藥可猛。弱者攻宜緩。

遇症用藥後。痰少腫退卽愈。如潰者用藥後。越兩日  
卽能進飲食。三日無不收功。

喉癰用藥後。患處要變紅色。知痛痒。有津液潤澤者。  
可治。

若用刀。其刀頭上。務必蘸已藥。亥申藥。庶不作痛。動

針不可傷小舌。要緊。

用刀針法。刀頭針尖須向自己勾來。不可向病人口內剔去。

喉症應針穴八。少商穴 商陽穴 中冲穴 關

冲穴 少冲穴 曲池穴 合谷穴 頰車穴

咽喉忌下刀處四。隴化 啞門穴 喉關兩均上

舌下筋

絕形十六 舌捲囊縮 角弓反張 油汗如珠

十指無血 啞喉噎食 喉乾無痰 吐血喉癰

聲如拽鋸

鼻塌唇青

天柱倒場

兩目直視

痰壅氣塞

喉白生菌

六脈沈細

脈細身涼

大便十日不通

絕症四

走馬喉風

鎖喉風

走馬牙疳

纏喉

風

凡遇上凶險之症。若不吐不瀉。針之無血。藥不能入者。皆不治。

內眼法

怪不可言小舌要緊

商關穴

中冲穴

關

喉症歌訣 三十二首

喉痺

形小而圓。初起可刺。如色紫紅，平堪光如鏡者，不可刺。宜內消。因其毒發於本原故也。

歌曰：痺而不仁，喉痺名。或生左右小碁形，紫紅平塌光。

如鏡，毒發本原，針刺停。

喉閉

先宜發表清熱，再用針刺點後，吹子丑二藥。

歌曰：積熱風痰閉不通，如櫻壅塞在喉中。氣粗呼吸艱難甚，點刺流涎即見功。

纏喉風

宜用煎藥發表，兼吹已藥，如見紅絲，節刺斷，再用子藥。

日歌 惡寒惡痛喉如束。內外無形氣短促。胸前紅腫足

多寒。若見紅絲刺貫速。

噎喉風

用針挑破血泡後。上丑藥。兼吹子藥。煎藥宜清熱祛痰。

日歌 此症謂之飛絲毒。口中發泡牛黃逐。用牛黃燥極點之。

點痰熱在心。痰壅而心熱燥也。忽然噎食終非福。

啞喉風

此症牙關緊閉。用鵝翎先蘸已藥。後蘸申藥。牙齦抹之。痰涎去盡。爲度。煎藥先發表。後清熱。

日歌 啞喉風症人當識。口不言兮關閉塞。面紫唇青冷

涕流。風疎痰降卽無厄。

弄舌喉風

此症宜針刺兩手少商穴先用已藥後用子藥。

歌曰：體發熱兮口內腫，舌出頻將兩手弄。筆針稜針三患

處去痰涎，解毒疎風清熱壅。

爛喉風

子丑二藥和勻上之，再用已藥收功煎藥宜清熱。

歌曰：爛喉風症頻頻熱，唇若塗朱口內裂。看其患處淺

和深，治用牛黃與子藥。

單乳蛾

此症不論已成未成皆可刺，其形大而長初用已藥後用子丑二藥收功煎藥

先發表後清熱。

歌曰：看來腫似李桃形，偏在咽喉左右生。此號單蛾宜

早治痰消毒散自然平。

雙乳蛾

與單蛾同治法

日歌

雙蛾陡起在喉間。關上輕兮關下難。形似鮮紅新李子。輕消重刺去風痰。

陰虛喉癰

此症宜服滋補解毒藥。上半日痛甚者。乃血虛不者。乃氣虛。下半日痛甚者。乃血虛。不宜發表。吹用卵藥及丑酉二藥。如日久不減者不治。

日歌

喉癰陰虛肺損時。生斑形若菱蝦皮。時時發熱頻頻嗽。面赤聲嘶病不醫。

楊梅喉癰

子丑二藥和勻吹入後用酉藥收功。煎藥宜解毒。



日歌  
楊梅結毒癰由生。片白喉中穢氣聞。白色變黃纔

可治。鬱金子丑共追尋。

連珠癰

子丑二藥和勻吹之兼上寅藥再服清熱解毒藥。

日歌  
兩拗深處患連珠。初起沿開白色浮。日久漸成八

九點。藥吹子丑病當除。

喉癰

其患在喉嚨。化合後之正中。到四五日。可刺膿。早刺防復腫。未刺前及未潰。先吹

已藥。後吹申藥。潰後用子丑二藥。煎藥先發表。後清熱。

日歌  
七情鬱結病成癰。五六日間可刺膿。不治須防成

冷痲。巳申子丑藥收功。

牙癰

先用辰藥抹牙齦縫中如腫不退再用子藥並服清熱解毒藥

日歌

牙齦紫腫是牙癰。或過勞心胃火攻。不治恐成牙漏症。開關辰藥子收攻。

牙疔

先用申藥後用子藥

日歌

太陰脾土足陽明。二火交攻疔卽成。患在牙齦如豆大。排針點破卽安甯。

牙宣

先用子藥後用酉未二藥止血煎藥宜清熱解毒

日歌

此症起時因胃熱。壅而宣露常流血。藥吹酉未卽能除。清胃煎來功最捷。

走馬牙疳

用米泔水洗淨，或溫水亦可。先用子丑藥和勻敷上，再煎服解毒藥。

日歌

小兒疳症屬於脾黑腐沿開臭不宜子藥牛黃兼

卯藥穿脾落齒總難醫。

痧痘日症

吹宜子丑卯三藥煎藥宜瀉心胃二火。

日歌

痘餘痧後口生疳爛在牙齦火毒傳。若是見痧生

滿口須從心胃二經參。

木舌

先吹申藥看紫色處用小刀點之。出惡血後吹子藥服清熱解毒藥。

日歌

病者心經受風熱忽然舌脹不能說看時左右共

宜針藥用梔翹火氣滅。

蓮花舌

用申藥吹之不退再用  
戍藥服清熱解毒藥。

日歌  
蓮花之症看如何。三舌攢成舌底疴。戍藥頻搽更

宜刺。清心瀉火莫差訛。

重勝

用卯藥  
吹之

日歌  
勝上生來似小桃。心煩無熱向身燒。藥服黃連解

毒飲吹宜冰片不須刀。

螞蝗疔

用申藥點去惡血後。上子藥煎藥  
有表邪發表。無表邪解毒瀉火。

日歌  
疼而微白螞蝗疔。勝上生來韭葉形。內不腫兮發

寒熱速宜針刺自然平。

喉症方藥

主治七十二症十二方。

子明硃砂六分 硼砂五分 梅片五分 元明粉五分 共研細末

喉中潰爛吹之能去腐生新

丑雄精壹錢 梅片五分 瞻礬即石膽生銅坑中能磨鉄共

研細末治口內腐爛用宜少不宜多孕婦忌

寅青黛兩 人中白五錢 黑山梔五錢 梅片壹錢 厚朴切片用

兩去核包之火錢 共研細末治口疳如神如遇傷寒口疳另加尿坑磚壹角火煨研末

卯藥 梅片壹錢 雄精貳錢 靛花貳錢 元明粉貳錢 硼砂五錢 粉甘草

壹川連貳錢 人中白叁錢 煨銅青五分 黃柏貳錢 蜜炙雞

丙金壹錢 砂紙壹張 上寫某年 枯礬壹錢 鹿角霜壹兩

共研細末。能解毒退腫。去腐生肌。治陰虛喉癰。妙。

辰藥 膽礬研末冬月取青魚膽汁和勻 凡牙關緊閉食

不能進口不能開用雞毛蘸擦兩牙底流去涎痰。

少頃即開矣。此藥陳一二年方可用。又鴨嘴膽

礬貳錢 白僵蠶五錢 研末名二聖散。凡喉痺喉風

以少許吹之吐涎效。

已梅片貳分雄精貳錢焰硝壹兩五錢要共研細末治

單雙蛾初起用此藥開痰卽愈未潰可用已潰不

可用性與申藥同見功更速如痛腫者先吹已藥

後吹申藥去雄精名鎖匙散專治雙乳蛾神效

午川連壹錢明礬壹錢牙皂壹錢去皮壹錢新共研細末治

喉中痰塞不可多用吹時須着人扶好病人令其

垂頭流去痰涎如聲似雷音再以溫水徐徐漱之

功與辰藥同但性太猛不如用辰藥穩當臨時看

症酌而用之孕婦忌

末雄精錢貳朴硝錢五礞砂錢貳共研細末。如喉嚨緊閉不

能吹藥。用此藥吹入鼻內。其口卽開。一切喉症皆

可用。

申元明粉壹雄精壹共研細末。能去痰消腫。不剛不

柔。神妙莫測。孕婦及虛弱人病勢重者皆不用。

酉雞內金要不落水者瓦上梅片壹分共研細末吹患

處可止疼。如腐爛疼痛。加子藥。若要收口。川兒茶

壹錢。

戌礞砂錢貳元明粉錢叁青鹽火煨紅放在地土越麝香壹錢

一日去火毒。



水片少許共研細末名紫雪丹擦重舌蓮花舌

妙餘症不可用。

藥亥巴豆

貳拾壹粒

生明礬

壹兩

共入銀罐內溶化看礬枯取起放地上一宿去巴豆每

用壹兩礬加小薑黃末壹錢麵糊爲丸用雄黃末

貳錢爲衣丸如桐子大每服七粒薑汁湯下症重

者用辰藥後可服此丸輕者不用

此藥神妙既能開關竅又能降

痰乃起死回生之靈丹也

又專用上製過枯礬壹味研末治

雙乳蛾神效名玉鎖匙孕婦忌

治喉風喉痺喉蛾二方

真牛黃

壹錢

露蜂房

五錢黃色者  
焙存性

大冰片

貳錢

青黛

貳錢

礞

砂

貳錢

熊膽

貳錢

共研細末。要在五月五日午時合製。

此為

喉科第一要藥凡遇不治之症吹此藥即可開關

真牛黃

各壹分

水片

各壹分

礞砂雄黃

各貳分

川連黃柏

各壹錢

砂青黛

各貳錢

青魚膽

兩個

共研細末。臨時吹之。

治喉痺喉癰喉蛾三丹

麝香

壹分

冰片

貳分

牙硝

貳錢

礞砂

四錢

名曰雪丹。去麝香。名

品雪丹。再去冰片。名曰雪丹。以上皆不見火。研極細

末。每次吹一二分。奇效。

治喉蛾方 附漱口方

麝香

梅片

牛黃

血結

各貳分五釐

礞石

黃連

兒茶

各五分

硃砂

五錢

硼砂

壹錢貳分

爲末吹患處。先用防風

甘草

銀花

薄荷

荊芥

鹽梅

栗蒲壳

卽栗

外毛壳

煎湯漱口。後吹前藥。忌發物煎炒椒蒜等類。

穿喉蛾三方

一名代刀散

一方用長指

中三不燈草

一小束臭虫

十枚共焙乾

研成末吹之

神效

用手指甲清水洗淨。瓦上焙黃色爲度。每用末壹分。加梅片壹釐。共研吹之。又壁螻窩用銀針挑向燈上燒灰研末吹之。又士大黃晒乾研細末用簪頭

蘸點之。蛾卽破。

治喉風方

蛇壳不拘多少。陰陽瓦焙乾。研末吹之。卽愈。

治走馬牙疳方

附煎方

梅片

叁分

人中白

叁錢

赤砒

壹錢五分

黑棗

七個

去核

將藥

丙炭火煨存性。研末。用米泔水洗淨患處。將藥搽上。晚上搽

更好。再用牛旁子

元參

防風

皂刺

蔓荊子

蟬退 石膏煎服三劑。忌發物煎炒椒蒜等類。

治牙宣出血方

三七柒分牛膝參分梅片少許研末吹之神效。

通閉散

青鹽壹錢白礬壹錢硼砂五分咽喉腫痛。滴水不下。吹之卽止痛。

綠袍散

厚黃柏貳兩青魚膽壹兩黃柏火上炙乾。起以魚膽汁塗上。再炙再塗。以膽盡爲度。切片研末。加入中白參錢青黛參錢梅片參錢膽礬參錢硼砂參錢研末。治口疳疔瘡。頗驗。

青金錠

名圓生丹

元胡索

或壹枝貳枝重叁錢

牙皂

十四條煨去皮弦

研末加青黛

六分麝

香厘

五厘

用水丸

重五分

遇症

用新汲井水磨化

以綿紙

條蘸藥

入鼻孔內

如病沉重者

研末吹之

中風及小兒驚風皆可用。

應用湯藥丸散

六味湯

主治七十二症。不論紅白。初起一服。後再加減。

桔梗

壹錢五分

生甘草

八分

防風

壹錢

荆芥穗

壹錢

僵蚕

貳錢薄炒

荷壹錢

三黃湯

治火症

黃連

黃柏

黃芩

俱鹽水炒

加石膏

炒梔

大承氣湯

大黃

五錢

芒硝

叁錢

厚朴

壹錢伍分

根實

壹錢五分

黃連解毒湯

黃連壹錢炒梔八分黃柏八分黃芩壹錢

大柴胡湯

枳實

大黃

白芍

黃芩

柴胡

半夏

加薑

棗煎

犀角地黃湯

治胃火熱甚吐血吐血吐衄嗽血便血畜血如狂及陽毒發斑

生地黃

壹兩伍錢

白芍

壹兩

丹皮

叁錢

犀角尖

叁錢伍分

每服五錢

四物湯

生地

川芎

當歸

白芍

涼膈散



連翹

壹錢

大黃

叁錢

芒硝

壹錢

甘草

壹錢

炒梔

壹錢

黃芩

伍分

壹錢伍分

薄荷

壹錢

竹葉

十個

萬靈丹

茅山蒼朮

八兩

麻黃

羌活

荆芥

防風

細辛

草烏

湯泡去皮

川烏

川芎

石斛

全蝎

當歸

甘

草

天麻

何首烏

各壹兩

雄黃

六錢

右十六味爲細末。煉蜜爲丸。重

叁錢

硃砂爲衣。磁

罐收貯。視年歲老壯。病勢緩急。斟酌用之。

玉樞丹

方藥

七

用明礬壹兩入罐內，桴炭上熔化，再入鎗硝，礬砂各

錢以上三味和勻，如指頭大，逐層熔完，待確口鋪的

如饅頭樣，方用武火煉乾，枯用淨瓦覆罐口，一時取

起，研細，用牛黃少許，冰片六匙，水調滴丹上，仍上罐

口烘乾聽用。

六味地黃丸 治肝腎不足，真陰虧損，精血枯竭，

地黃 砂仁酒拌九 山萸肉 酒潤 山藥 四兩 茯苓 乳拌 丹皮

兩 蒸九晒八兩 澤瀉 兩 右蜜丸，空心鹽湯下，冬酒下。

桂附八味丸 治相火不足，虛羸少氣。 卽前方加桂附 各壹兩

知柏地黃丸治陰虛火動。即前方去桂附加知

母黃栢各貳兩。

增補治驗白纏喉風方養陰清肺

大生地貳錢 麥冬壹錢 丹皮八分 元參壹錢 貝母八分 生甘

草伍分 白芍八分 薄荷伍分 熱甚加連翹去白芍燥甚加

天冬茯苓小便赤加木通大便不通加元明粉如有  
內熱及發熱勿服表藥照方服去熱自退症重酌加  
分兩連服數劑無不愈者。

廣瘡藥

十八味神藥

龍骨生肌散

結毒紫金丹

此藥治一切瘡毒，不論新舊，服之立效。其效如神，不可言喻。

此藥治一切瘡毒，不論新舊，服之立效。其效如神，不可言喻。

喉科秘鑰

卷下

古欵

西園鄭氏原輯  
許佐延樂泉氏增訂

喉症圖說目錄

左右手六脈部位

少商商陽中冲關冲少冲穴部位

頰車曲池合谷穴部位

咽喉症十一

喉痺症七

喉蛾症七

喉風症十二

喉癰症十一

舌症十三

小舌症五

雜症八


附喉症補編

辨症圖

通探錄

古症


左 手 脈 部 位



右 手 脈 部 位



人一呼一吸脈來四至五至爲平反是者病心脈浮大而散  
肺脈浮濇而短肝脈沉而弦長腎脈沉實而濡脾胃脈和緩此  
皆人之本脈也反是者亦病。





右手五穴部位



左手五穴部位



少商穴手太陰肺經在手大指內側去爪甲角壹分宜以三稜  
針刺之留一呼出針


商陽穴手陽明大腸經在手食指內側去爪甲角壹分針壹分  
留壹呼出針

中冲穴手厥陰心包絡經在手中指端去爪甲壹分陷中針壹  
分留三呼出針

關冲穴手少陽三焦經在手無名指外側去爪甲角壹分針壹  
分留三呼出針

少冲穴手太陽小腸經在手小指內側去爪甲角壹分針淺壹  
分出針

足陽明手陽明應針穴部位



圖說

疾針必會

三

頰車穴

足陽明胃經

在耳下八分曲頰端近前陷中  
側臥開口有空處取之針三分

曲池穴

手陽明大腸經在肘外肱骨屈肘橫紋頭陷中

以手拱胸取之針五分留七呼  
出針。

合谷穴

手陽明大腸經在手大指食指歧骨間陷中針


三分留六呼出針。

咽喉十一症

簾

珠

喉



此症因熱毒鬱積滿喉，如網白  
 網兩邊微腫，根有白點，帶紅色  
 小舌紅腫，喉水大痛，脈兩寸浮  
 洪，兩尺亦數大而洪，此上盛下  
 虛症也，藥宜清火。

治用六味湯加鹽炒黃柏、酒

炒黃芩、鹽炒知母、熟石膏

五山豆根、鹽炒元參、山梔

錢木通、服一劑，再加連翹、

紫地丁、熟地、丹皮、草河

車、川連、金汁壹錢，或煎柏

枝汁，鍾沖服，吹藥六七日，即愈。


噎 食 不 紅 不 腫 喉



此症因伏邪在肺，聲啞噎食，六脈遲細，乃陰症也。

一少年病此三載，飲食少進，余細診脈，尚有力有根，用六味湯加桂枝、木通、白芷，各壹錢，半真錢，薑麻黃、細辛、訶子，各壹錢，蘇葉錢，皂核錢，五六服，病頓退，惟聲啞，換加桔梗、禮訶子、甘草，各七錢，薄荷壹錢，煎數沸，噙漱，徐徐嚥下，服十劑愈。

內 外 腫 喉



此症生於關下。陰陽相結內外  
 皆腫或有爛斑乃火鬱之症急  
 針少商商陽兩手四穴治用六  
 味湯加酒炒黃芩參錢熟軍五錢海  
 浮石錢服一劑換加丹皮五錢  
 生地錢酒炒黃芩錢生石膏錢  
 炒梔錢木通錢如背寒加羌活  
 胃熱加葛根當以柀枝汁湯嗽  
 之。

虛

啞

喉



此症喉間不腫，兩邊關內微見紅點，聲啞不明，牙關不開，乃內外風火，因喜食酸滯之物，肺氣不清故也。治用六味湯加細辛、參蘇葉錢貳服一劑，如聲音不啞，換加生地、丹皮各錢貳，鹽水炒山梔、木通、花粉各錢壹，一服即愈。



聲

啞

喉



此症不腫不紅又無爛點惟覺  
乾痛難於飲食乃肺家伏寒也  
初起不可用涼藥凡遇此症非  
三四月不能全愈治用六味湯  
加蘇葉麻黃各錢細辛五分服  
後麻黃蘇葉各減半再二服換  
加花粉黃芩羌活薑炒半夏各  
錢皂角核樹訶子錢童便炒四五  
服可愈

爛 沙 喉



此症發於脾肺二經生關內喉  
癰部位腫爛右關脈急因傷寒  
後表邪未盡也治用六味湯減  
半加酒炒黃芩二錢花粉壹錢鹽炒  
元參貳錢葛根壹錢生石膏貳錢淡  
竹葉貳錢草河車貳錢連服四劑如  
爛斑不退大便不通加生大黃  
錢津化八仙散玉樞丹各伍三  
服收功玉樞丹即  
紫金錠也

癰

喉



此症因腎虛火旺癰發於喉微紅不腫。上有斑點青白不一。如芥子大。或針孔。莖荳大。點上生刺。飲水大痛。聲啞咳嗽無痰。六脈細數。治用知柏地黃湯兼四物湯。加麥冬炒元參鹽炒女貞子。枸杞各錢。首烏阿膠人參洋參各二錢。或前藥不用。十服後無效。換桂附八味丸。加鹽炒女貞子。枸杞人參洋參。每服四錢。冷服。此引火歸原法。

喉 疳



此症腎虛火旺沸騰上部而發  
喉間上腭有青白紅點平坦無  
刺故名喉疳聲不啞不咳嗽兩  
尺脈虛者是也治用六味湯去  
防黨加鹽炒元參山梔各壹錢酒  
三味加鹽炒壹錢炒黃芩貳錢丹皮生地各貳錢鹽炒  
女貞子知母各壹錢男加龜板  
五錢女加鱉甲五錢服五劑不效加  
桂附各叁分另煎入藥冷服見效  
再合八味丸加元參知母女貞  
子枸杞俱鹽水炒服一料即愈  
外吹藥

風熱喉飛揚喉



此症感風熱而起。滿喉發細紅點根帶淡白。舌下兩邊各兩塊。六脈洪緊。治用六味湯加鹽炒元參貳錢。酒炒黃芩叁錢。山梔壹錢。花粉壹錢。煎服。外吹藥兼服八仙散。

此症風熱上壅。上腭紅腫。氣不能通。嚥物不下。從小舌飛揚。滿口係凶惡之症。急宜針患處。出血。泄去火氣。酌用吹藥。再用六味湯。加連翹。葛根。黃柏。甫梔。木通。各壹錢。生石膏。四錢。壹貳服。卽愈。

紫 色 虛 喉



此症乃肺胃伏寒平而不腫飲  
食難進喉間紫紅吐出之物狀  
如腐肉如誤認火熱以三黃犀  
角等藥治之死矣故有爛如生  
漆色者因初起誤服涼藥也。

余見此等症卽不論名色視喉  
間絕無影形惟滿喉皆紫脈緩  
身涼者用六味湯加細辛五分  
葛根壹錢蘇葉壹錢白芷川芎  
麻黃各壹錢服後紫變爲紅換加  
炒元參貳錢酒炒黃芩貳錢花  
粉壹錢卽愈。

喉痺門七症

爛 喉 痺



圖說

此因肝胃熱毒外感時邪而發  
 形如花瓣爛腫白斑痛叫不食  
 目睛上泛六脈浮大速針少商  
 商陽關冲少冲兩手八穴有血  
 生無血死治用六味湯加生大  
 黃壹錢黃芩入酒少許元參壹錢  
 生地丹皮海浮石各錢山梔木  
 通各錢兩服後去大黃加生石  
 膏錢訶子五分整柏子仁貳錢  
 煎服兼八仙散錢津化下此  
 症脈細身涼者不治。

白 色 喉 痺



此症因肺胃受寒脈遲身熱用  
六味湯加細辛分羌活錢蘇葉  
陳皮各錢二服可愈若變紅色  
乾痛換加山梔木通酒炒黃芩  
生地黄柏各錢壹痰多加海浮石  
半夏花粉各錢壹



伏 迎 寒 喉 痺



此症惟肺經脈緩。或腫或不腫。色紫用六味湯加蘇葉蘇葉細辛。伍柴胡海浮石各錢不可作火治。若服涼劑久之必爛用六味湯加細辛伍麻黃桂枝蘇葉瓜。藎訶子牛蒡子各錢壹甚有吐出紫血塊者亦如此治法。

雙喉痺 單喉痺



此症生於上腭關內兩邊形如  
 橄欖核痛而難食乃胃家積熱  
 所致或發寒熱而關脈洪大者  
 是也速針患處或少商穴亦可  
 先用六味湯一服後再加黃芩  
 山梔木通炒元參各五錢一服  
 而退爛者用吹藥不可針患處  
 雙單同治。

此症生於上腭關內兩邊形如  
 橄欖核痛而難食乃胃家積熱  
 所致或發寒熱而關脈洪大者  
 是也速針患處或少商穴亦可  
 先用六味湯一服後再加黃芩  
 山梔木通炒元參各五錢一服  
 而退爛者用吹藥不可針患處  
 雙單同治。

淡紅喉痺



此症腫如雞子飲食不下身發寒熱眼紅嘔吐兩關脈沉細兩寸尺虛數因傷寒時邪發表未清恐有斑毒在內急針少商商陽關沖少冲兩手八穴或挑破患處治用六味湯加蘇葉羌活葛根各錢五鮮芫荽錢五如滿身發出痧疹嘔吐即止或身熱不退喉外亦腫乃因火外洩換加生大黃錢參葛根滑石黃芩山梔元參花粉各錢貳生石膏錢五二服後去大黃石膏有爛斑用八仙散錢貳津化下兼服柏枝汁

走馬喉痺



此係急症內外俱腫肝脾火閉不通或發寒熱脈洪大者生沉細者死先用六味湯加葛根錢貳柴胡錢壹細辛錢伍煎水漱之再加角刺錢貳歸尾錢貳赤芍錢壹草河車錢貳生軍錢五煎服痰多加海浮石錢叁製半夏錢貳身熱背寒加羌活錢壹蘇葉錢壹針少商商陽關冲兩手六穴血多爲妙。

喉蛾門七症

雙乳蛾



此症生於關口上部兩邊如櫻桃大身發寒熱六脈弦數乃肺胃二經感冒所致形似乳頭故名乳蛾治宜先針少商商陽兩手四穴或挑破患處出血亦妙用六味湯加陳皮海浮石蘇葉羌活各壹錢五分兩服可愈如腫不退六脈有力加大黃參錢

彈

乳

蛾

新地四子派



此症生於雙蛾部位或左或在  
 身熱乾嘔六脈浮數恐見痧疹  
 乃傷寒發表未曾散盡故也治  
 用六味湯加葛根貳錢蘇葉壹錢  
 活錢貳錢鮮芫荽伍錢無銜者一服  
 後再加黃芩貳錢酒炒花粉貳錢山梔  
 赤芍木通各錢即愈

大食...  
 此症生於關口上唇內...  
 此症生於關口上唇內...  
 此症生於關口上唇內...

爛乳蛾



此症因肺胃鬱熱紅腫爛斑大痛難食六脈弦緊急針少商商陽兩手四穴冲柏枝汁一杯噙漱徐徐嚥下再用八仙散五分津化下治用六味湯加葛根蘇葉錢壹鹽炒元參錢壹炒黃芩錢貳煎服次日去蘇葛二味加山梔木通生地丹皮浮石花粉各錢貳脈大有力加生大黃錢叁脈虛仍用八仙散同柏枝汁照上服法如聲啞背寒用六味湯加葛根錢壹蘇葉錢壹羌活錢壹細辛分叁

風寒喉蛾



此肺胃症也。因受風寒而起腫。如李不能俯視。氣塞不通。右手寸關脈浮緊。急針少商。商陽少冲兩手六穴。治用六味湯加蘇葉。錢羌活。錢煎服。忌用涼藥。



伏寒喉蛾



白乳蛾



凡伏寒之症其色紫。治同紫色喉癰。如孕婦用藥有碍。將藥煎濃漱喉。吐去痰涎。亦可愈。

此症腫塞滿口。身發寒熱。六脈浮弦。乃肺受風寒也。治用六味湯。加蘇葉貳錢細辛叁分羌活貳錢一服可愈。

蛾

石



此症生乳蛾地位少進半寸乃  
肝火老痰結成惡血因本原不  
足或遇辛苦即發治用六味湯  
加貝母壹錢生地貳錢牛旁子壹錢麥  
冬壹錢木通壹錢服四五劑如不退  
去荆芥防風僵蠶加丹皮壹錢燈  
心貳服以愈爲止外吹退腫藥

喉風門十二症

內風腫鎖喉風



此症陰陽相結。內塞不通。外無形迹。喉內多痰。喘。肺胃兩經病也。急用吐法。法見下。纏喉風門治用六味湯。加麻黃錢五。生軍錢五。細辛錢壹。蘇葉錢貳。桂枝錢壹。羌活錢貳。煎服。服後或瀉。或吐為妙。如不吐瀉。針少商。商陽。關冲。曲池。合谷。左右十穴。有血生。無血死。左右寸關脈弦緊洪大者生。沉遲者死。吹用弔痰藥。

風 喉 纏



此症肺感時邪風痰上壅陰陽閉結內外不通如蛇纏緊關下壅塞甚者角弓反張牙關緊閉急宜瀉吐如不吐卽針針而無血六脈沉細者不治吹用膽礬去痰藥治先用開關之藥吹鼻擦牙以吐爲度並針頰車左右二穴點艾數壯或用雞蛋清冲白礬灌之如仍不吐再針少商商陽關冲中冲少冲兩手十穴取血爲度用六味湯加生軍兩麻黃羌活蘇葉訶子各錢煎灌

白 色 喉 風



此症因寒包火。伏於肺經。白而不腫。上有紅紫爛斑。脈象不數。身熱怕寒。火欲外發。治用六味湯加葛根錢貳麻黃錢壹蘇葉錢貳柴胡錢壹細辛分五花粉錢壹桂枝分五羌活各錢壹煎服兼八仙散錢貳津化下。變紅色。換加鹽炒元參錢貳酒炒黃芩錢貳炒梔不通各錢壹服全愈。紫色喉風。同此治法。

酒 毒 喉 風



此症因嗜醇酒厚味毒生關內紅腫痰多。嚥物不下。兩關脈大。肺脈獨遲。治用六味湯加生甘草壹葛根壹錢海浮石叁錢花粉貳錢枳椇子貳錢山梔錢煎漱。來日再加鹽炒元參生地丹皮各錢四服而痊。吹用追腫藥。

此症因嗜醇酒厚味毒生關內紅腫痰多。嚥物不下。兩關脈大。肺脈獨遲。治用六味湯加生甘草壹葛根壹錢海浮石叁錢花粉貳錢枳椇子貳錢山梔錢煎漱。來日再加鹽炒元參生地丹皮各錢四服而痊。吹用追腫藥。

風 喉 舌 匝



此惡症也。乃肺肝積毒所致。生  
喉之上下兩邊。迫於小舌。有泡  
或紅。或紫。外臉皆腫。喉內不腫。  
舌捲粗大。疼者甚少。治用六味  
湯。加黃連錢壹。黃芩錢貳。生軍錢四。連  
翹錢貳。沖玉樞丹錢壹。急服三四劑。  
或有可生。如牙關黑腫。齒落頭  
搖不治。

虛 爛 喉 風



此症因本源不足虛火上炎生  
喉之關內上下紅色間有白斑  
痛爛不腫六脈細數治用六味  
湯加元參貳錢鹽炒黃芩貳錢炒梔  
花粉各壹錢生地壹錢丹皮貳錢二服  
後去六味湯加鹽炒知母黃柏  
各壹錢服五劑如兩關脈大作  
結毒治照胃經熱毒用藥外吹  
藥服八仙散。



腫 爛 喉 風



此症因風火內熾，肺胃二脈俱  
洪。治用六味湯，加葛根、花粉、各  
錢如紅爛不退，藥不見效，再用  
六味湯，加淡豆豉、木通、山梔、鹽  
炒知母各壹錢、花粉、當歸、柏子仁、  
各錢壹錢、丹皮貳錢、生地貳錢、海浮石  
錢壹錢、用柏枝汁一杯，沖藥服。外吹  
消散藥。

辛 苦 喉 風



此症因日夜勞苦而發。不腫。微紅而痛。小舌左右長出血。上部之脈洪緊。用六味湯加鹽炒元參酒炒黃芩各壹錢山梔貳錢木通壹錢連翹貳錢火重者加生地貳錢鹽炒知母貳錢丹皮澤瀉花粉各壹錢三服可愈。外吹散藥。

風 喉 碌 勞



此症肝腎兩虛發於關內滿口  
 喉有紅點根白不腫常有血腥  
 氣勞碌即發脈象數而中空所  
 謂扎脈是也治用六味湯加鹽  
 炒黑色元參錢貳鹽炒知母錢貳生  
 地錢貳丹皮木通各錢壹一服後再  
 加連翹花粉酒炒黃芩各錢貳山  
 梔錢壹兩日後換用鹽炒元參錢貳  
 女貞子生地各錢壹麥冬錢壹炒  
 黃芩錢壹丹皮錢貳枸杞錢貳龜板錢叁  
 生首烏錢五生甘草錢壹服二劑愈  
 吹用消散藥

酒寒喉風

肺寒喉風



此症因酒後受寒關內兩邊有淡紅點塊四五處平而不腫燕物覺痛身無寒熱六脈洪大用六味湯加花粉錢貳枳椇子錢壹酒炒黃芩錢貳葛根錢壹二服即愈

此症因肺受重寒生關內下部兩邊如扁豆壳樣平而不腫大痛難食不穿不爛肯寒怕冷右手寸關脈弦緊治用六味湯加羌活蘇葉各錢貳當歸柴胡牛蒡子桂枝各錢壹細辛分五二服即愈

淡紅喉風



此症肺胃感冒風邪而發。腫連小舌。喉塞不通。聲音不清。右手關脈弦緊。宜針少商。關冲。少冲。兩手六穴。急者患處亦可挑破。用六味湯加羌活。蘇葉。葛根。各錢一服可愈。

喉癰十一症

伏 寒 喉 癰



此症因積寒在內。外感時邪而發。其色紅腫帶紫。脈浮不數。用六味湯加羌活葛根草河車。甲赤芍歸尾各錢。細辛分二。後去羌活葛根加山梔錢。五日可痊。

癰 喉 爛 腫



此症脾家積熱而生紅腫潰爛  
兩寸關脈洪大者是也宜針少  
商商陽關冲少冲兩手八穴血  
多為妙先用八仙散錢貳放舌上  
津化下再用六味湯加鹽炒元  
參錢貳鹽炒黃柏錢壹酒炒黃芩錢壹  
生大黃錢叁山梔木通各錢壹草河  
車錢貳瀉過去大黃三日後用十  
八味神藥加柏枝汁半服半漱  
即愈外吹藥


淡 白 喉 癰



此症因脾肺受寒腫而不紅六脈俱緊身發寒熱初起時宜針少商商陽兩手四穴令出紫血用六味湯加蘇葉赤芍歸尾各壹錢一服來日再加山甲角刺五分草河車各錢貳乃愈服涼藥七口內必作膿速宜針破用子藥收功。



大紅下喉癰



此症因脾肺積熱關內腫脹其  
色鮮紅六脈洪大身發寒熱急  
針少商商陽兩手四手或針患  
處令出惡血用六味湯加山梔  
木通各壹錢海浮石生大黃各壹錢  
歸尾角刺草河車各壹錢赤芍花  
粉黃芩各五分先將十味煎二  
三十沸後下六味湯全煎二服  
可愈

聲 啞 喉 癰



此症因受寒太重肺脈閉塞以致聲啞飲食難進或有爛斑右寸脈沉澹脾胃脈洪大背寒身熱用六味湯加羌活錢貳葛根蘇葉各錢壹嗽之六日後聲音不啞換加花粉錢壹乳香五葛根酒炒黃芩歸尾赤芍山甲角針各錢貳再服八仙散玉樞丹卽愈

此症因受寒太重肺脈閉塞以致聲啞飲食難進或有爛斑右寸脈沉澹脾胃脈洪大背寒身熱用六味湯加羌活錢貳葛根蘇葉各錢壹嗽之六日後聲音不啞換加花粉錢壹乳香五葛根酒炒黃芩歸尾赤芍山甲角針各錢貳再服八仙散玉樞丹卽愈

舌 下 癰




此症因脾腎積熱而發然舌下  
有金津玉液二穴通於腎經水  
枯方生此症診左尺脈洪數者  
是也用六味湯加生地草河車  
各錢葛根花粉丹皮各錢元參  
錢二服再用十八味神藥收功  
吹藥如前

上 腮 癰



此症因肺家多炙搏之毒積久而發高如核桃挂下不能飲食宜用解毒湯加草河車錢石膏錢紫地丁生地各錢歸尾山甲赤芍角針各錢丹皮花粉葛根各錢七八服每日兼服玉樞丹錢吹藥據症用二三月可以收功。

單 喉 癰



單喉癰或左或右身熱背寒脾胃之症也有紅點風熱無紅點風寒用六味湯加蘇葉羌活各錢漱嚥一服來日再加赤芍歸尾山豆根山梔各錢服一劑可愈

外症喉癰



此症生於頷下天突穴之上內外皆腫飲食有  
碍初起無痰涎內不見形跡乃風毒也用六味  
湯加黃芩角刺山甲歸尾赤芍草河車各錢紅  
花葛根各錢乳香五連服三劑以消爲度若已  
成膿必成漏管用十全大補湯收功

癰 喉 腮 兜

此症因鬱積寒氣而發生於腮下名曰懸癰外  
先用艾灸二壯再用六味湯加山甲歸尾角針  
川芎白芷各錢壹升麻錢叁紅花乳香各錢伍煎服以  
消爲度有膿針之防成漏症多用參耆內托卽  
可收功千萬不可輕忽







舌門十三症

白舌 木



此症因心脾肝三經積熱舌粗紫脹不能言語乃食炙煇所致急砭出紫血搽吹藥服大承氣湯兼黃連解毒湯加山梔木通連翹花粉各錢或赤芍草河車各錢二服不應加生軍瀉毒再用六味湯漱口吐出不可嚥下兩手寸關脈洪大者實症可治六脈細者虛症難治。

白舌腫水



此症因風寒積內六脈弦緊舌  
腫硬痛用六味湯加細辛分蘇  
葉壹錢白芷壹錢當歸壹錢川芎  
葛根各壹錢如有白胎黑點而滑  
者用淡附子乾薑各五錢煎服  
外用乾薑永片麝香青皮等分  
爲末擦之

急用出裝血封起藥眼大角  
紫連不指言雷代食之收  
此症因心脾也三懸汗流舌

座 舌 蓮 花



此症因脾家熱毒積久而發生  
於牙根內面走竄如蓮花一座  
卽針患處出血擦吹藥再針兩  
手少商穴用六味湯加草河車  
歸尾赤芍各錢壹川連連翹各  
錢壹生軍參錢叁山梔木通各錢壹  
或山甲錢壹生石膏錢五煎服如不  
效用十八味神藥收功。

重


舌



此心脾之毒也。在大舌之下，又生小舌，以致大舌反粗短，小舌長而痛。左寸右關脈俱洪大，久之必爛。爛則難痊。初起卽針出惡血，搽吹藥，服黃連解毒湯，加生軍，鈿如瀉，五六日卽愈。玉樞丹，十八味神藥亦可服。

紅點紫舌

爛邊舌



圖說

此症因脾家濕熱不清大舌邊  
 上發疔有白點而爛用六味湯  
 加小生地錢參滑石錢參淡竹葉錢壹  
 苡仁猪苓各錢壹澤瀉車前子  
 甘草梢各錢壹煎服外用吹藥唇  
 牙內腫爛同此治法


此症因心脾二經熱極所致滿  
 口紅點紫色爛而作痛或身發  
 斑疹用六味湯加熟石膏錢兩葛  
 根錢壹川連錢壹黃芩錢貳黃柏錢壹  
 木通山梔各錢壹如大便閉結加  
 生軍錢參煎服外用吹藥擦

純 紫 舌



此症因傷寒用葱酒發散出汗  
酒毒入心以致大舌純紫宜用  
升麻葛根各壹錢枳椇子貳石膏  
貳川連五錢滑石人中白各錢  
木通錢如心煩加山梔淡豆豉  
各錢惡心欲吐恐防發斑加芫  
荑兩又用芫荑沖燒酒振背心  
爲炒搽藥如前

蓮花舌



焦黃舌




此乃心肺之火生舌底如蓮花  
卽針刺出血用吹藥服三黃石  
膏湯加甘草豨草河車錢外針  
兩手商陽穴卽愈。

此因嗜酒太過遇寒而起大舌  
乾黃用三黃湯加枳椇子生石  
膏人中黃各錢身發寒熱用大  
柴胡湯加羌活錢如嘔吐心煩  
脈象洪大加生軍錢佐以牛旁  
赤芍乾葛之類無不應者。

舌上珠



舌下珠



此乃心脾積熱舌生白泡大小不一六脈洪大搽吹藥服三黃湯加石膏芩草河車錢地丁兼服玉樞丹如六脈遲細乃虛火也照後舌下珠治法

此脾腎兩虛之症用六味湯加木通生地鹽炒元參知母黃柏等分煎服搽吹藥。



右雀舌



左雀舌




此因多食煎炒炙燂之物，熱毒積胃而發。生大舌，傍如小舌，位近牙根，初起針破出血，搽吹藥服六味湯，加三黃湯清膈散，久之必爛，用龍骨生肌散收功。

此亦因積毒而發，治法與前大同小異，用六味湯加犀角地黃湯，搽藥如前。

小舌門五症


胃 火 小 舌



此因脾家火毒鬱久而發。小舌生白點而爛。胃脈浮洪。用六味湯加生石膏錢四酒炒黃芩錢貳花粉錢參葛根錢貳山梔錢貳二服。如不愈。用吹藥兼服柏枝汁。此乃多食炙煨醇酒厚味所致。或魚骨刺傷。非結毒可比。如胃脈沉實者。毒深。須詳辨為要。


此因脾家火毒鬱久而發。小舌生白點而爛。胃脈浮洪。用六味湯加生石膏錢四酒炒黃芩錢貳花粉錢參葛根錢貳山梔錢貳二服。如不愈。用吹藥兼服柏枝汁。此乃多食炙煨醇酒厚味所致。或魚骨刺傷。非結毒可比。如胃脈沉實者。毒深。須詳辨為要。

胃 毒 小 舌



此因毒結胃家發於小舌形如  
煎症胃脈沉實有力者真結毒  
臨症不可忽其色紅腫爛者治  
法同前兼服十八味神藥同玉  
樞丹錢貳再每日用土茯苓兩四煎  
湯代水多吃爲貴如一月不愈  
合結毒紫金丹一料冲玉樞丹  
同服土茯苓湯下每晚錢叁收功

積熱小舌




此因肝胃一經火毒飛騰所以  
小舌長硬白衣裹滿嚙物不下  
右關之脈浮大用六味湯加山  
梔壹錢連翹貳錢酒炒黃芩貳錢黃柏  
五錢生石膏叁錢滑石貳錢赤芍木  
通葛根各壹錢草河車貳錢煎服外  
吹藥用玉樞丹一三次無不愈  
者。

純白小舌



此因胃家積毒小舌或變白色  
軟大腫痛右關脈沉數先服五  
樞丹或十服或五服每服分再  
用土茯苓煎湯代水後用銀花  
湯下廣瘡藥二十一服如胃脈  
不沉反洪大作火症看用六味  
湯加生石膏錢壹酒炒黃芩車前  
各貳錢山梔壹錢木通壹錢滑石叁錢葛  
根壹錢天花粉貳錢山豆根貳錢三  
服可愈。

懸 螞 小 舌



此症生小舌尖如香圓核大紅似櫻桃因多吃厚物火酒以至胃火鬱盛而發胃脈浮洪者是也。用六味湯加甘草、荊芥、梔子、錢赤芍、錢草、河車、錢二服可愈。如腫處出血用吹藥。

此症生小舌尖如香圓核大紅似櫻桃因多吃厚物火酒以至胃火鬱盛而發胃脈浮洪者是也。用六味湯加甘草、荊芥、梔子、錢赤芍、錢草、河車、錢二服可愈。如腫處出血用吹藥。

雜症門八條

松子喉疔



此疔生於關內小舌左右兩邊形如松子淡紅而硬犬痛難食背惡寒身發熱兩手關脈浮緊乃風火鬱積之症也用六味湯加蘇葉赤芍羌活連翹山甲草河車各錢一服次日去蘇葉羌活加乳香錢玉樞丹錢研細冲服一日可愈外吹藥。

走馬牙疳



此乃急症。因脾經積受熱毒太  
重而起。牙內光腫。日久腐爛。齒  
落肉黑者。不治。脈浮洪大。而有  
力者。可用重劑救之。如脈沉遲  
細。藥不能投。則危矣。初起未爛  
宜針腫處出血。搽吹藥。已爛不  
必針。但搽吹藥。急用川連葛根  
連翹犀角生地各錢白蘚皮甘  
草貝母花粉各錢生石膏錢  
草河車兩入大鍋內煎三四碗  
連服三劑。如脈數便結。加生軍  
鹽。或者有效。遲則不治矣。



菌 喉



單 喉



此症因肺火鬱熱動風生關口上部下垂根大頭小紅色大痛先針兩邊患處出血上吹藥再用六味湯煎漱來日加柴胡芍藥赤芍生地丹皮草河車各錢連翹黃芩黃連各錢煎服可愈

此乃胎毒所致或因心胃火邪生喉內如菌樣故名喉菌不可用刀針服黃連解毒湯玉樞丹可使其不發熱然未見全消者

喉科必論


圖說

三

又 喉 瘤



喉 瘤



此因鬱怒傷肝或迎風高叫或本源不足或誦讀太急以致氣血相凝生於關內不時而發治宜調本養原玉樞丹地黃丸俱可常服外用吹藥難速痊。

此瘤生於關外亦名瘤治法同前部位各別故繪圖留閱。

瘡陰右 瘡陰左



此瘡生頰車穴下內熱外寒皮  
色不變身發寒熱腫大如鰻鱗  
用六味湯加萬靈丹同化服如  
變紅色用喉癰藥治之便結加  
生軍參錢玉樞丹亦可服症屬少  
陰則如法治之若屬少陽用柴  
胡牛旁子並六味湯漱之左右  
陰瘡治法同

無創



古

燕



創

水



創燕燕起國

陪中天子前大和國燕公

國國取公前公其德少國

以國取公前公其德少國

國國取公前公其德少國

國國取公前公其德少國

國國取公前公其德少國

國國取公前公其德少國

喉症補編

白纏喉風論

任治喉症甘餘年。證無不識。醫無不效。於咸豐六年旱荒秋後。忽見此症。傳染甚多。初起先從關內生白膜。形如豆大。不腫不爛。勢若風送白雲之狀。漸漫舌尖。發熱痰嘶。唇乾面紅。醫者總認白膜屬寒。痰因風起。概用溫散驅痰之品。治皆罔效。小兒患此者尤多。十歲外患者。尚可治。十歲內患者。難治。佐留心細究病之根源。總揣摩不出。偶閱家傳手錄醫案。上載乾

隆五十年旱荒秋見此症其傳染生死光景如前名曰白纏喉風惟用清潤之劑或可得生因悟肺屬金其色白經曰肺爲相傳之官嬌嫩之臟小兒之肺尤嬌嫩值此大旱之年燥火焚金至秋復感陰濕之氣如枯木濕久發菌故生此症所以清潤之品投之有效也

治驗四症

一蔡姓年三十餘大病後啞不能言已經半載服藥罔效泥首求治診其左尺之脈細軟如絲病由陰氣

下陷津液不能上循喉嚨而挾舌本。故啞難言。卽用  
重劑六味地黃湯加參耆升麻蟬退引用白呌子二  
個服至九劑其人如狂登高跳下如此兩日言出如  
常眾以爲奇。白呌子卽樂人吹噴响上之蘆管哨子  
能發聲音用舊者取其得人元氣以助  
病人之  
元氣也。

一車夫林姓無故而啞。火不能吹呼吸之氣。狀如竹  
筒屢治不效。余究脈象。惟氣口浮緊。浮主風。緊主寒。  
內經云一陰一陽合爲咽喉。咽主納水穀。喉主呼吸。  
氣中間有薄肉一片。其形如錢。言則蓋咽。食則蓋喉。

靈分清濁。名爲會厭。風寒客之。則硬而不靈。故啞。乃用生附子二個。蜜炙黃研末。薑汁和丸。如龍眼肉大。時時含化。半月之久。吐出白膜一片。言語如初。

余寓姑蘇。一牧童年十歲。左邊下牙齦肉出如山。十日間。牙被衝落。舌偏於右。飲食難進。語言不暢。醫者不識何症。余診右關之脈。促結不定。斷是熱毒蘊結胃中。用瀉黃散。每劑加土茯苓壹兩。柏枝汁叁錢。外以烙鐵燒紅烙之。病者不覺痛。二十餘日方愈。余寓興化縣。治一孀婦。年四十餘。忽於二更時。喉外



大腫氣喘不利。牙關緊閉。毫無痰涎。痛苦狀類纏喉。風似乎用藥。法宜疎散。又思喉科有驟起非火之說。則當作寒醫。急切症辨不清。乃細診脈象。惟左關大動。因語其家曰。此婦宜防血崩。非喉症也。當用養血和衝任之品。令其煎服。次早果血下不止。喉腫全消。復服藥數劑而安。嗟乎。此症若不明脈理。誤作纏喉風治。或作寒治。命必危矣。

余以醫濟人業。經廿載。活人無算。凡遇內外喉眼各科。症屬疑難。則憑脈用藥。無不應手。間有不識

之症則屏之去。從未有以不知爲知也。蓋凡習醫者必須先精脈理。憑脈究症。而後施藥。自然神效。切不可畧觀大概。以人命嘗試。致傷仁術。余醫治難症甚多。非喉舌本門。不便雜入。故僅將喉舌論辨及經驗數條。附錄於後。古歛許佐廷樂泉氏謹

識

跋

余幼患喉蛾症，歲必數發，發必針刺出血，而後愈，甚患苦之。咸豐乙卯，計偕北上，留京多年，幸未復發。同治乙丑，改官至皖，間或一發。甲戌夏間，忽又大發，勢甚危迫，醫者投以涼散之劑，腫痛益甚。幸遇許君樂，延之入診，兩劑立愈。臨別時，以喉科祕鑰數十本相贈。乙亥奉諱回家後，此數十

本者爲親友攜取殆盡竊念喉症命係呼吸在各病中尤爲危急有是方術不可不廣爲流傳爰重刊以公諸世期不負許君之雅意云

光緒十年七月鳳泉姚清祺跋

秘傳吹喉藥經驗神方

牛黃

錢貳

月石

錢壹

硃砂

錢壹

人中白

錢貳

大枚片

錢貳

雄精

錢貳

錢壹

璵玞

錢壹

熊胆

錢壹

右方共研細末

白喉嚨經驗神方

此疵喉內現白點白塊或痛或乾初起惡寒發熱頭痛身

脹痛忌服羌

骨等藥

除瘟化毒散

粉葛黃芩枝仁姜蟲豆根木通

各貳錢

生地浙貝

各叁錢

蟬退

錢壹

甘草

伍分

桑葉

錢貳

此方初起

眼蛾喉各

症皆可治

神功辟邪散

生地

錢肆

粉葛

連翹

黃芩

銀花

牛子

馬

勃各二錢馬  
勃絹包煎  
浙貝姜蟲寸冬心木通錢各叁  
蟬退錢壹青

果錢叁

神仙活命飲  
龍膽草錢壹  
生地錢肆  
黃芩石膏生用浙貝

姜蟲馬勃各叁錢  
木通前仁銀花錢名貳  
蟬退錢壹  
土茯苓

花土  
茯苓  
錢壹  
小貝  
遇症重者每日服貳叁劑  
喉腫均可服去馬勃銀

龍虎二仙湯  
龍膽草錢貳  
生地兩壹  
生石膏兩壹  
犀角錢捌

板藍根鼠粘子知母元參木通馬勃各肆錢  
絹包煎姜蟲黃

苓各伍錢  
川黃連黑梔仁錢各叁  
甘草錢壹  
大青葉伍錢  
粳米

貳合 此爲症之極重者而設每日必須服三四劑不可怠慢臨症斟酌不可輕投

雄黃解毒丸

明雄黃

壹兩

水飛鬱金

貳錢

巴豆

白肉十四粒去壳油

去皮紙包

三味共研細末米醋煎濃汁麩和爲丸

壓去淨

綠豆大每服四分茶湯泡軟杵融送下

小兒用二分

凡白喉險症及纏喉走馬緩治則死此丸灌下止出惡涎無不活者然苟非急症不可輕投

吹藥瓜霜散

西瓜霜

壹兩將皮硝灌入西瓜人中

白壹錢

辰砂

貳錢

冰片

壹錢

雄精

貳分

其研細末乳至無聲人中白如製不精

亦不用

引毒外出膏丹方

斑蝥

肆錢去足糯米炒去米用米宜埋於土中切不可喂雞

全蝎

陸分

梅片

叁分元

參

陸分

真血竭

陸分

真麝香

六分

右藥六味共研細末用磁

瓶收藏黃蠟封

口勿令洩氣男婦患痛等症用末藥

厘許勻成豆大敷於礪砂膏上左喉痛貼左右喉痛

貼右左右俱痛卽兩面貼初貼時痛癢異常方爲對

症切勿揭去貼過一夜見有發泡用銀針挑破毒水去淨立見效驗切不可吹入喉內

瓜蒂

黃連

黃芩

金

銀

針

挑破毒水

去淨立見效驗

切不可吹入喉內

瓜蒂

黃連

黃芩

金

銀



萬應靈丹方

蒼朮

參兩米湯泡透切

明天麻

參兩陸錢切片晒乾

雄黃

參兩六錢研細水飛丁

香

六錢不拘公母蟾酥

麝香

錢參錦紋片晒乾

麻黃

錢參兩陸錢筋細

判

硃砂

參兩陸錢研細水飛

甘草

參兩陸錢去皮微炒

磁瓶裝好用法列後

中風中痰人事不省

吹入鼻孔即效

小兒痰壅急慢驚風

溫湯

調服五厘傷風傷暑冷熱不和

吹入鼻孔即效

長寒發冷口流涎

沫

羌湯調服五厘

霍亂吐瀉腹脹氣滯

溫羌湯服七厘

風邪頭痛鼻

塞流涕

吹入鼻孔即效

時行瘟疫山嵐瘴氣

吹入鼻孔即效

傳尿管

蒸癆瘵鬼魅

吹入鼻孔卽效

過食寒冷腹痛悶亂

羌湯調服五厘

瘡

疽惡毒蛇蝎損傷

麻油調敷患處

不服水土頭暈嘔吐

溫湯調服

五厘四時感冒不正之氣

溫湯調服五厘

產婦胎衣過時不下

吹入鼻孔卽下

六畜傳染瘟瘧時症

吹鼻或點眼角

一切跌打重傷縊誤死將丹吹鼻孔或點眼角

後用羌活湯調灌若心口微溫俱可救活

孕婦忌服